

ւորն . եթէ ոք անխող լիցի հրամանին՝ չէ նա 'ի ժողովրդեանէ Յունաց : ժողովեցան 'ի մի վայր մեծամեծք և փոքունք , նաւավորք և ձկնորսք և սամիկք և եղեն ամբոխ մեծ , դիմեցին խուսն բազմութեամբ 'ի պալատն Արքունի , և աղմկեալ աղաղակէին՝ դատ արասցէ Տէր մեր Արքայ՝ դարձուցանել առ մեզ զվանս Ս . Յակորայ՝ զոր հանեալ են Հայք 'ի ձեռաց մերոց : Այսպիսի խռովեալ ամբոխի մատուցին զգիրսն մին առ Արքայ և զմիւսն առ Վէզիրն : Թագաւորն խնդրեաց զհրովարտակս երկուց ազգաց , եւ նոցա տարեալ մատուցին առ Վէզիրն , ուր էր և Միւֆթին՝ և զիւրաքանչիւրսն ուրոյն ուրոյն եղեալ 'ի քսակի կնքեցին և առաքեցին առ Թագաւորն , այլ նա ոչ զքսակն երաց և ոչ զգիրսն ետես , այլ պատուէր ետ միում 'ի քսակակրաց՝ երթալ ամօքել զմիտս երկուց ազգաց՝ խաղաղիլ և մի եւս համարձակիլ այնուհետեւ տալ զիր աղաչանաց , և որպէս տիրեալ են տեղեացն այնոցիկ՝ դարձեալ այնպէս տիրեացեն , և անհնազանդքն ունին կրել սպառիժ պատուհասի : Եւ նորա եկեալ ծանոյց զհրամանն Արքային երկուց ազգաց : Հայք դարձան ուրախութեամբ 'ի տեղիս իւրեանց , նոյնպէս և Յոյնք՝ լի տրամութեամբ , զի 'ի դերեւ ելին յոյս և ակնկալութիւնք նոցին , և յուսմպէտս վասնեցան ամբաւ դրամք . այլ ոչ կասեցան յետս՝ զի յետ աւուրց ինչ վերջստին դիմեցին առ մեծամեծս Դրան , և ձգեցին զնոսս 'ի կողմն իւրեանց , թէպէտեւ տոկոսիք սարաուց եւս քան զեւս յաւելեալ բարդէր , այլ չէր նոցա ինչ փոյթ : Ապա հազիւ ուրեմն կարացին չրջել զմիտս Թագաւորին՝ յետս պահանջել զառաջին հրովարտակն տուեալ Հայոց , զորմէ գրեցաք 'ի նախընթաց երեսն , զոր առաքեալ էին յերուսաղէմ : Եւ եպարքոսն առաքեաց անդ զգինակիր իւր բերել անտի զհրովարտակն : Յոյնք թեւադիր լինէին սպանանել զերկուս Իշխանաւորս , որք եղեալ էին 'ի բանտի : Հայք անկան 'ի վարանս եւ հոգային զփրկութիւն նոցա . թէպէտեւ ծախեցին զգումարս քսակաց , այլ առ ժամն չեղեւ ինչ օգուտ : Այլ թէ զի՞նչ ինչ կրեցին 'ի միջոցիս յայսմիկ Պատրիարք վարդապետն և խորհրդականք նորին , երկար լինի և չէ հնար ընդ գրով արկանել :